

Ullukinnerup ullup affaa sulinngiffiusalernissaa siunertaralugu Naalakkersuisut qulaajaanissaannik peqquneqarnissaannik Inatsisartut aaliangiiffigisassaattut siunnersuut. Qulaajaaneq periarfissanik assigiinngitsunik qanoq iliornikkut ullukinnerup ullup affaanik sulinngiffiulersinneqarsinnaaneranik qanorlu aningaasatigut kinguneqarsinnaaneranik imaqassaaq. Qulaajaaneq UPA 2025-mi Saqqummiunneqassaaq.

(Inatsisartunut ilaasortaq Peter Olsen, Inuit Ataqtigiit)

Akissuteqaat

(Aningaasaqarnermut Akileraartarnermullu Naalakkersuisoq)

Aappassaaneerinnineq

Naalakkersuisut Kultureqarnermut, Ilinniartitaanermut, Ilisimatusarnermut, Ilageeqarnermullu Ataatsimiititaliap sukumiisumik ilassutitut isumaliutissiissutaanut qujarusupput.

Ataatsimiititaliaq ilassutitut isumaliutissiissuummini amerlanerussuteqarluni allannguutissatut siunnersuummik nutaamik, Naalakkersuisut siullermeerlutik suliarinninneranni imarisatigut assingusumik, saqqummiussivoq. Naalakkersuisut taamaasillutik amerlanerussuteqartut ilassutitut isumaliutissiissutaanni allannguutissatut siunnersuummik saqqummiussaannut isumaqataasinnaapput.

Tamatuma saniatigut ataatsimiititaliaq isumaliutissiissuummini apeqquteqarpoq, tamannalu Naalakkersuisut allakkatigut piaarnerpaamik akissavaat.

Naalakkersuisut taama naatsumik oqaaseqarlutik ataatsimiititaliap amerlanerussuteqarluni allannguutissatut siunnersuutaa akuersissutigineqassasoq inassutigaat.